

লক্ষকর্ণ : বৈঠকী বয়নশিল্প

মননকুমার মণ্ডল

'লক্ষকর্ণ' গল্পটি গজউলিকা (১৩৩২) গল্পগ্রন্থের চতুর্থ গল্প। রায়বাহাদুর বংশলোচন ব্যানার্জীর নিরুপদ্রব জীবনে একটি ছাগলের এসে পড়া এবং তাকে নিয়েই গল্পের কৌতুকাবহ পরিণতি। গল্পের শুরুতেই বংশলোচন বাবুর যে ছবিটা ফুটে ওঠে তাতে বৈঠকী মেজাজের চরিত্রগুলির মিশ্র আছে। ঔপনিবেশিক শাসনে প্রভুশক্তির প্রদেয় উপাধি নিয়ে যারা যথেষ্ট প্রতিপত্তিসহ নগর বঙ্গকাতার আশেপাশে টিকে ছিলেন তাদের মধ্যে বংশলোচন ব্যানার্জী অন্যতম। পুরো নাম রায় বংশলোচন ব্যানার্জী বাহাদুর অ্যান্ড অনারারি ম্যাজিস্ট্রেট, বয়সে চল্লিশোর্ধ, খুলকায় ইবার ফলে ডাক্তারী পরামর্শে ভাত-সুচি বর্জন করে প্রত্যহ বিকালে খালের ধারে হাঁটতে বেরোন। রাজশেখরের গল্পে ইংরেজদের পোষা এরকম অনুগত দেশী চরিত্র অনেক আছে। সিন্ধুধরী লিমিটেডের তিনকড়ি বাবুর কথা মনে পড়ে। স্বরণে আসে তাঁর বহুখ্যাত উক্তি—'শেবে লিখলুম কোন্ডহ্যাম সাহেবকে, যে ছজুর তোমরা রাজার জাত, দু-ঘা দাও তাও সহ্য হয়, কিন্তু দিনী ব্যাঙাটির লাথি বরদাস্ত করব না।'—এটাই বংশলোচনবাবু গেল্লের মানুষগুলির পরিচয়। কিন্তু 'লক্ষকর্ণ' গল্পে স্ত্রী মানিনী দেবীর সাথে বংশলোচনবাবুর মনোমালিন্য কেন্দ্রীয় বিষয় হয়ে টেনে ধরেছে 'লক্ষকর্ণের' কাহিনী। এই আপাত অপ্রধান জন্তুর কৌতুক গল্পে প্রায় মূলসূর হয়ে উঠেছে। বংশলোচনবাবুর মত মানুষগুলোর অস্ত্রনিহিত শূন্যতা অথবা মানসিক দৈন্যতা প্রকাশের সহায়ক হিসাবে লক্ষকর্ণের অস্তিত্বকে ধরা হলে—গল্পটি নিতান্তই কৌতুকের থাকে না। এককম অলস, পল্লীবি, প্রভুশক্তির অনুগত বয়ঃজ্যেষ্ঠ মানুষগুলো তো বাংলার নবজাগরণের মানুষ নয়। প্রভুত্বের চুইয়ে পড়া ক্ষমতার দস্ত্রে এঁরা বৈঠকী মজলিশি গল্পের প্রবচনানতাকে বজায় রেখেছিলেন। এদের আশেপাশে ঘিরে থাকে কিছু ক্ষমতালিঙ্গু সময়-অপব্যয়ী মানুষ, যারা ঐ বৈঠকী মেজাজের অঙ্গীসূব। এরা সকলেই লক্ষকর্ণকে নিয়ে ঘটনাগুলিকে Serious করে তোলে এবং seriousness-এর মাথাভেদে হাস্যরসের রকমফের ঘটে যায়। পরশুরামের গল্পে বাগভঙ্গির Seriousness একটি অন্যতম প্রধান বৈশিষ্ট্য। কিন্তু মানুষ ও মনুষ্যত্বের প্রণীর বর্ণনায় তিনি অপ্রতিদ্বন্দ্বী। এই গল্পে 'লক্ষকর্ণ', 'চুকন্দর সিং', 'ভূশর্টার মাঠ' গল্পে 'ক্ষীরী-বামনীব' অশরীরী চরিত্র : এসবই এর উদাহরণ।

লক্ষকর্ণ গল্পের কেন্দ্রে নিঃসন্দেহেই থাকে যামী স্ত্রীর দাম্পত্য কলহ। একথা কয়েকজন সমালোচকের লেখাতেও দেখা গিয়াছে। অভিভাবকহীন ছাগলের সংসর্গ পেয়ে তাকে গৃহে প্রতিপালন করার জন্য নিয়ে আসার সময় বংশলোচনবাবুর মনে একটা কাঁটা খচ করিয়া উঠিল। দাম্পত্য কলহের এই কাঁটার স্বরূপ হল—

'আজ পাঁচ দিন হইল কথা বন্ধ। ইত্যাদেব দাম্পত্য কলহ বিনা আড়হরে নিষ্পন্ন হয়। সামান্য একটা উপলক্ষ্য, দু চারটি নার্তাতীক্ষ বাকাবাণ, তারপর দিনকতক অধঃস অসহযোগ, বাকাল্যাপ বন্ধ, পরিশেষে হঠাৎ একদিন সন্ধিস্থাপন ও পুনর্মিলন। এরকম প্রায়ই হয় বিশেষ উদ্বেগের কারণ নাই। কিন্তু আপাতত অবস্থাটি সুবিধাজনক নয়। গৃহিণী জন্তু জানোয়ার মোটেই পছন্দ করেন না।'

এরকম একটি দাম্পত্য সম্পর্ক কিভাবে মিলনমধুরতার বৃত্ত সম্পূর্ণ করল, তার গল্প লক্ষকর্ণ। গৃহকর্ত্রী মানিনী দেবীর সঙ্গে বংশলোচনবাবুর মান-অভিমান ছাগল লক্ষকর্ণকে নিয়েই বেড়ে উঠল। ‘ভদ্রর লোকে আবার ছাগল পোষে।’ একথা বলে মানিনীদেবী দারোয়ান চুকন্দর সিংকে বলেন তাকে বেয় করে দিতে। কিন্তু বংশলোচনবাবু আত্মসম্মান আছে। তিনি বেলেঘাটার সম্ভ্রান্ত অনারারি হাকিম—পঞ্চাশ টাকা পর্যন্ত জরিমানা একমাস জেলের শাস্তিবিধান তাঁর হতে। ফলতঃ ‘কিসের লজ্জা, কিসের নারভাসনেস? বংশলোচন বার কয়েক মনকে প্রবোধ দিলেন—তিনি কাহারও তোয়াক্কা করেন না।’ দারোয়ানকে তিনি বলে দিলেন ছাগল বাড়ির বাইরে গেলে চাকরিও যাবে তার। এই অবস্থায় পুরাকালে জাঁদরেল জেদী পুরনারীরা যা করতেন মানিনী দেবীও তাই করার কথা বলেন। ‘মানিনী স্বামীর প্রতি অগ্নিময় নয়নবান হানিয়া বলিলেন—‘হ্যাঁলা টেপী হতচ্ছাড়ী, রাক্তির হয়ে গেল—গিলতে হবে না? থাকিস তুই ছাগল নিয়ে, কাল যাচ্ছি আমি হাটখোলায়।’ হাটখোলায় গৃহিণীর পিত্রালয়।’ এহেন মান-অভিমানের ফলশ্রুতিতে বৈঠকখানা ঘরে শোবার বিছানা করেন কর্তা অন্যদিকে কর্ত্রী পিত্রালয়ে। এখানে এই পারস্পরিক শয়নস্থান পরিবর্তনকে অর্পূর্ব ব্যঙ্গরসে জারিত করেছেন পরশুরাম। পুরাকালে বড়লোকদের গৃহে আর্থনারীদের একটি করে গোসাঘর থাকত। কিন্তু আর্থপুত্রদের তেমন ব্যবস্থার কথা শোনা যায় না। তারা এক পত্নীর সাথে মতাঙ্করে অন্য পত্নীর দারস্থ হতেন। কিন্তু, ‘আজকাল খরচপত্র বাড়িয়া যাওয়ায় এই সকল সুন্দর প্রাচীন প্রথা লোপ পাইয়াছে। এখন মেয়েদের ব্যবস্থা শুইবার ঘরের মেঝের উপর মাদুর অথবা তেমন ইহলে বাপের বাড়ি। আর ভদ্রলোকের একমাত্র আশ্রয় বৈঠকখানা।’ এরকম বর্ণনার humour-এ যে বুদ্ধিদীপ্ত প্রতিতুলনা পাওয়া যায় তা অসাধারণ। রাত্রে আহারের পর বৈঠকখানা ঘরে একাকী বংশলোচনবাবুর গীতাপাঠ এবং সংসারের অনিত্যতা উপলব্ধি প্রয়াসেও সেই হাস্যরসের বিদ্যুৎছটা।

রাত্রে লক্ষকর্ণ বংশলোচনবাবুর বিছানায় শয্যাগ্রহণের ঘটনা যেমন কৌতূহলদীপক তেমনি কৌতুকাবহ। কিন্তু এখান থেকেই বংশলোচনবাবুর অপদস্থ হবার সূত্রপাত। এই অপদস্থতার সূত্রেই তিনি লাটুবাবুর কাছে লক্ষকর্ণকে দিতে উদ্যোগী হন। শর্ত এই যে—‘ছাগলটিকে আপনি যত্ন করে মানুষ করবেন, বেচতে পারবেন না, মারতে পারবেন না।’ যাইহোক, ‘ভদ্ররলোক কখনও ছাগল পোষে?’ এই প্রশ্ন করেও লাটুবাবু লক্ষকর্ণকে নিয়ে গেল। তারপর লাটুবাবুর ব্যান্ডের দলের সমস্ত সামগ্রী যখন একে একে গলাধঃকরণ করল সে তখন তাকে ফিরিয়ে নিয়ে এল লাটুবাবু। ‘লব্বইটাকার লোট্’ খেয়ে ফেলার শোকে মুহ্যমান লাটুবাবুকে বংশলোচনবাবুর পরামর্শ—‘একটা জোলাপ দিলে হত না?’ এই মন্তব্যগুলির একটা আপাত Seriousness-ই হাস্যরসের আধার। বিধবস্ত লাটুবাবু ও তার কেরাসিন ব্যান্ডের ইতিহাসও কৌতুকাবহ। যাইহোক একশ’ টাকা ক্ষতিপূরণ নিয়ে লাটুবাবুর দল বিদায় নিলে লক্ষকর্ণকে নিয়ে পুনরায় বিড়ম্বনা শুরু হল বংশবাবুর। বিনোদবাবুর সামনে টেপী বাবা-মায়ের ঝগড়ার কথা ফাঁস করে দিতে থাকলে বংশলোচন বলেছেন—‘আরে এতদিন সব মিটে যেত, ওই ছাগলটাই মুশকিল বাধালে।’ অর্থাৎ লক্ষকর্ণ আর এখন অদ্ভুত আচরণকারী চতুষ্পদী ছাগলমাত্র নয়। সে মানুষের পরিবারে সমস্যা উদ্বেককারী আরেকটি মনুষ্যচরিত্রর গল্পচর্চা ১২

মত ভূমিকা তার। পরদিন বেলেঘাটা খালের ধারে লক্ষকর্ণকে ছেড়ে আসার সময় প্রবল বজ্রপাত এবং দুর্যোগে বংশলোচনবাবু জ্ঞান হারালেন। আর একবার তার দুর্বলচিত্ত মনের প্রকাশ ঘটল। কিন্তু ছাগল লক্ষকর্ণ বৃষ্টি ধরতেই বাড়িতে খবর দিলেন এবং গৃহকর্ত্রী ফিরে পেলেন কর্তাকে। ভুলে গেলেন অভিমান। সাদর আপ্যায়নে বাড়িতে রয়ে গেল লক্ষকর্ণ। লোকজনের বিক্রমে তো লক্ষকর্ণের কোনকালেই কিছু আসে যায় না। পরাশ্রয়ী জীব এমন আশ্রয়েই ভাল থাকে। বাবু সম্প্রদায়ের এই মজলিশি মানুষগুলো বিশ শতকের প্রথমার্ধের যুদ্ধকালীন ক্ষয়িষ্ণুতার স্মরক হয়ে আছেন। পরশুরামই সম্ভবত একমাত্র শিল্পী যার কলমে এঁদের মন-মানসিকতার অন্যতর নির্মাণ ঘটেছিল।

সামগ্রিকভাবে গল্পটিতে হাস্যরসের প্রবাহ চারটি বিভিন্ন মাত্রায় হয়েছে। প্রথমতঃ নানা চরিত্রের উপস্থাপনায়—তাদের বর্ণনার সূক্ষ্মরীতিতে। দ্বিতীয়তঃ বংশলোচনবাবুর বাড়ির সাক্ষ্য আড্ডার বিষয় এবং কথোপকথনে। তৃতীয়তঃ বংশলোচনবাবুর নানা পর্যায়ে অপদস্থ হওয়া এবং তাঁর বিড়ম্বনায়। চতুর্থতঃ লক্ষকর্ণের বিচিত্র কার্যকলাপ। গল্পে এগুলির উদাহরণ সুপ্রচুর। যেমন, দারোয়ান চুরন্দর সিং-এর পরিচয়—“‘হজৌর’ বলিয়া হাঁক দিয়া চুরন্দর সিং হাজির হইল। জীর্ণ খর্বকৃতি বৃদ্ধ, গালপাট্টা দাড়ি, পাকানো গৌফ, জীকালো গলা এবং ততোধিক জীকালো নাম—ইহারই জোরে সে চোটা এবং ডাকুর আক্রমণ হইতে দেউড়ি রক্ষা করে।”

আবার লাটুবাবুর দল যখন এসেছে তাদের বর্ণনা এরকম—“তিনজন সহচরের সহিত লাটুবাবু বাবান্দায় আসিয়া নমস্কার করিলেন। তাঁহাদের প্রত্যেকের বেশভূষা প্রায় একই প্রকার—ঘাড়ের চুল আমূল ছাঁটা। মাথার উপর পর্বতাকার তেড়ি, রণের কাছে দু-গোছা চুল ফণা ধরিয়া আছে। হাতে রিস্ট -ওয়াচ, গায়ে আগুলফলস্বিত পাতলা পাঞ্জাবি, তার ভিতর দিয়া গোলাপী আন্ডা দেখা যাইতেছে। পায়ে লপেটা, কানে অর্ধদন্ধ সিগারেট।” আর তারপর লাটুবাবু একে একে তার কনসার্ট দলেব সঙ্গী সাথীদের আলাপ করিয়ে দিতে বলেন—

‘লবীন লিয়োগী ক্লারিয়েনেট—এই লরহরি লাগ ফুলোট—এই লবকুমার লান্দন ব্যায়লা।’

এসব বর্ণনায় আবহটাই হয়ে ওঠে বৈঠকী মেজাজের, হাস্যরসের। বর্ণনায় একটা কার্টুনিস্টের মত ঝোক। তুচ্ছাতিতুচ্ছ বৈশিষ্ট্যগুলো পর্যবেক্ষণ করার শক্তি না থাকলে বর্ণনার ভাষায় এই Wit সম্ভারিত করা যায় না। বংশলোচনবাবুর বাড়ির সাক্ষ্য আড্ডার পরিবেশে ও আড্ডার বিষয় ত্রৈলোক্যনাথের গল্প-আসরের কথা স্মরণে আনে। বংশলোচনবাবুর সুসজ্জিত বড় ঘরের কার্পেটে আঁকা আছে কাল জমির ওপর আসমানী রঙের বিড়াল। বিড়াল বোঝানোর জন্য নিচে লেখা আছে CAT এবং রচয়িত্রীর নাম মানিনী দেবী। বিড়ালের রঙ সাদা না হয়ে আসমানী হবার কারণ জানান হয়েছে—“যুদ্ধের সময় বাজারে সাদা পশম ছিল না, সুতরাং বিড়ালটির এই দশা হইয়াছে।” আড্ডাখানার ঘরে একটি রাধাকৃষ্ণের ছবির বর্ণনাও চমৎকার। “কৃষ্ণ রাধাকে লইয়া কদমতলায় দাঁড়াইয়া আছেন, একটি প্রকান্ত সাপ তাঁহাদিগকে পাক দিয়া পিষিয়া ফেলিবার চেষ্টা করিতেছে, কিন্তু রাধাকৃষ্ণের ভূক্ষেপ নাই; কারণ সাপটি বাস্তবিক সাপ নয়, ওঁকার মাত্র।”

এরকম বর্ণনাত্মক বিষয়ের মতোই লুকিয়ে আছে হাস্যরসের খোরাক। এই বৈঠকখানায় প্রতিদিন বহুসংখ্যক 'রাজা-উজির বধ হইয়া থাকে'। পরমার্থতত্ত্ব, মোহনবাগান, আলিপুরের নতুন কুমির কোন প্রসঙ্গই বাদ যায় না। বংশলোচনের শালক নগেন এবং দূরসম্পর্কের ভাগনে উদৌর (উদয়) বাগ-বিতণ্ডা প্রবল হাসির খোরাক। বাঘের মাপ সংক্রান্ত বিতর্কে তারা প্রায় মারামারির উপক্রম করেছে। পত্নীনিষ্ঠ উদৌর কথায় কথায় নিজের স্ত্রীর প্রসঙ্গ টেনে আনার বদভ্যাস সুন্দরভাবে ফুটে ওঠে। এরকম বৈঠকখানায় গল্প-আমেজের ছাপ এই গল্পের সর্বত্র। এমন মনে হয় যে, বৈঠকখানার সমস্ত মানুষগুলোই এরকম অদ্ভুত বিড়ম্বনার গল্পের চরিত্র। বৈঠকী মেজাজের মধ্যে যে স্বাভাবিক হাস্যরস এবং সিরিয়াসনেস পাশাপাশি চলে এখানেও তার ব্যতিক্রম ঘটে নি। লক্ষ্যকর্ণকে টেনে বাড়িতে আনার পর সে সিরিয়াস হয়ে ওঠে। তখন ছাগলের স্বাভাবিক আচরণ মানুষের স্বাভাবিক দৈনন্দিতার মধ্যে নিয়ে আসে বিড়ম্বনা, তৈরী হয় নির্মল হাসির পরিবেশ। ত্রৈলোক্যনাথের বৈঠকী মেজাজের সঙ্গে এই গল্পের তুলনামূলক আলোচনায় সমালোচক শিশিরকুমার দাশ বিষয়টি ধরছেন সুন্দর ভাবে। উদ্ধার করি কিছু অংশ—'এই দুটি গল্পেই ('লক্ষ্যকর্ণ' এবং 'চিকিৎসা সঙ্কট') একটি আসর লক্ষ্য করা যায় এবং আসরের কথাবার্তা ও চরিত্রগুলির হাবভাবের মধ্যে ত্রৈলোক্যনাথের আসরের ভঙ্গি অতি স্পষ্ট। ত্রৈলোক্যনাথ আসরের প্রাধান্য দিয়েছেন বলে তাঁর গল্প আসলে গল্প-শৃঙ্খলের একটি অংশ। পরশুরাম এই আসরকে প্রাধান্য দেননি কিন্তু তার মর্যাদা দিয়েছেন।' (বাংলা ছোটগল্প : পৃ ১৬৯, দে'জ ২০০২)

অধ্যাপক শ্রীকুমার বন্দ্যোপাধ্যায় পরশুরামের পাত্রপাত্রীদের 'unconscious humourist' হিসেবে উল্লেখ করেছিলেন। এই গল্পে লক্ষ্যকর্ণকে নিয়ে বংশলোচনবাবুর বিড়ম্বনার বর্ণনায় সেকথাটা আবার স্মরণে আসে। বলা হয়ে থাকে, 'Humour may be ascribed either to a comic utterance or to a comic appearance or mode of behavior?' এখানে 'Comic utterance' র পাশাপাশি 'comic appearance' ও অপূর্বভাবে ধরা পড়ে। বেলেঘাটার খালের ধারে বেড়ানোর সময় যখন একটি ছাগল তাঁর সমস্ত চুরুট খেয়ে বলে 'অ-র-র-র' অর্থাৎ 'আর আছে?' তখন বিভ্রান্ত-হতবাক বংশলোচনবাবু। তার চামড়ার সিগার কেস ভক্ষণ করার পর—'রায়বাহাদুর হাসিবেন কি রাগিবেন স্থির করিতে না পারিয়া বলিয়া ফেলিলেন—শ'-শালা'। বর্মা চুরুট খাওয়ার পর লক্ষ্যকর্ণ বংশলোচনবাবুর বারান্দায় শুয়ে রোমছন করছিল। ঘুম তার চটে গেছে। এর মধ্যে রাত্রি একটা নাগাদ জোর ঠাণ্ডা হওয়া উঠলে সে বংশলোচনবাবুর বিছানায় আশ্রয় নেয়। ক্ষিদের চোটে সে খবরের কাগজ ও গীতার তিনটি অধ্যায় উদারস্থ করেছে—গলা শুকিয়ে গেলে জলাভাবে প্রদীপের তেল পান করলে প্রদীপ নিভে গেল। নিশ্চপ্রদীপ ঘরে বংশলোচনবাবু তার বিছানায় মানিনীদেবীর মানভঞ্জনহেতু আগমন কল্পনায় লক্ষ্যকর্ণকে জড়িয়ে ধরলেন। ঘটে গেল ভয়ানক কাণ্ড। পাঠকের হাসির প্রাবল্যে স্পষ্ট হয়ে ওঠে বংশলোচনের বিড়ম্বনা।

এরকমভাবেই লাটুবাবুকে 'লব্বইটাকার লোট' ফেরৎ পেতে জোলাপ খেতে পরামর্শ দেন তিনি। এই Serious পরামর্শই 'হিউমারাস'। গল্পের পরিণতিতে আমরা দেখি বংশলোচনবাবুর বিড়ম্বনা চূড়ান্ত রূপ লাভ করেছে। এখানে বর্ণনাভঙ্গির মধ্যেই একটা

টেনশন তৈরী হয়। সিলোনে মনসুন আগমনের কথা পূর্বেই উল্লেখ করেছিলেন লেখক। এখন 'দ্রুম-দুন্দুড়-সুড়ু। আকাশে কে ঢেড়রা পিটিতেছে? ...আসন্ন দুর্ভোগের ভয়ে স্বাবর জঙ্গম হতভম্ব হইয়া গিয়াছে।' বংশলোচনবাবু বেলেঘাটার খালের ধারে যেখানে লক্ষকর্ণকে পেয়েছিলেন সেখানে ছেড়ে দিলেন এবং ছাগলের গলায় লিখলেন—

‘আল্লাকালী যীশুর দিব্য ইহাকে কেহ মারিবেন না’।

প্রাণে না মারার এই অহিংস প্রেমবাণী বারবার বাঁচিয়ে দেয় লক্ষকর্ণকে। আসলে গল্পের এই পর্যায়ে লক্ষকর্ণ আর শুধু ছাগল নয়—মানুষের জীবনের সঙ্গে সম্পর্কযুক্ত আরেকটি মনুষ্যেতর প্রাণী।

বংশলোচন ব্যানার্জীর অসহায়ত্ব এই গল্পে লক্ষকর্ণের কার্যকলাপের সমান্তরালে ফুটে উঠেছে। বৈঠকখানার আড্ডায় টেপি যখন স্বামী-স্ত্রীর দাম্পত্য কলহের কথা শিশুসুলভ চপলতায় প্রকাশ করে দেয় তখন তাঁর বিনোদবাবু বলেন ‘হে রায়বাহাদুর, কন্যাকে বেশি ঘাঁটিও না, অনেক কথা ফাঁস করে দেবে। অবস্থাটা সঙ্গিন হয়েছ বল?’ লক্ষকর্ণকে ‘ঘরভেদী বিভীষণ’ বলেন তিনি। আসলে রায়বাহাদুরের পারিবারিক অবস্থার বর্ণনাগুলি প্রচ্ছদে একটা ব্যঙ্গও তৈরী করে। যে লোক ম্যাজিস্ট্রেট, ইংরেজ সাহেবের আশীর্বাদপুষ্ট আমলা তিনিও কেমন নিজের পরিবেশ পরিস্থিতিকে করে তোলেন হাস্যাস্পদ-ব্যঙ্গাত্মক। মনে পড়ে ‘চিকিৎসা সংকট’ গল্পের নন্দবাবু নিজের অস্তিম সিদ্ধান্তে গল্পের মধুর পরিণতি ঘটে। বৈঠকী আড্ডাব পরিবেশ এই গল্পতেও সুন্দরভাবে ফুটে ওঠে। ‘সিদ্ধেশ্বরী লিমিটেডে’র গণ্ডুরিরাম বাটপাড়িয়ার পুণ্যের ‘কমিশন’ সঞ্চয়, তিনকড়িবাবুকে প্রতারণার অভিনব প্রকল্প সমস্তই রাজশেখর বসুব চরিত্রসৃষ্টির অভিনব প্রয়াস। এগল্লেও লক্ষকর্ণ ও বংশলোচনবাবু, বিনোদ, লাটুবাবু, মানিনী দেবী, টেপি উদয় সকলেই অপরূপ অবয়ব নিয়ে ফুটে ওঠে। তাদের আচরণ, উৎকর্ষিতকতা, বিড়ম্বনা, সিরিয়াসনেস সমস্তটাই হাস্যরসের আধার।

‘গড্ডলিকা’র অভিনব ছবিগুলির স্রষ্টা যতীন্দ্রকুমার সেন। দ্বারভাঙ্গার এই ভদ্রলোকের সাথে বেঙ্গল কেমিক্যালে চাকরির সময় ঘনিষ্ঠতা বাড়ে। তিনি ছিলেন বেঙ্গল কেমিক্যালের বিজ্ঞাপন বিভাগের চাকুরে। ‘গড্ডলিকা’, ‘কজ্জলী’, ‘হনুমানের স্বপ্ন’র সমস্ত স্কেচই তাঁর করা। এগুলো বাদ দিলে গল্পের হাস্যরস বা সৃষ্টি সামগ্রিক রস পাওয়া যাবে না। রবীন্দ্রনাথ স্বয়ং ছবিগুলির ভূয়সী প্রশংসা করে বলেছিলেন—‘লেখার ধারা, রেখার ধারা সমানতালে চলে, কেউ কাহার চেয়ে খাটো নহে’ (প্রবাসী ১৩৩২) শ্রীসেন ‘মানসী’তে ‘মর্মবাণী’তে কার্টুন আঁকতেন ও ছড়া লিখতেন। লক্ষকর্ণ গল্পে মোট পাঁচটি ছবি আছে। ‘দিব্বি পুরুষ্টু পাঁঠা’, ‘হজোর’, ‘ভুটে বললে-হালুম’, ‘মরছি টাকার শোকে’, ‘লুচি কখানি খেতেই হবে’ নামাঙ্কিত ছবিগুলি গল্পের রস ঘনীভূত করেছে। বিশেষত দ্বিতীয় ও চতুর্থ ছবিতে চুকন্দর সিং ও লাটুবাবুর যে অদ্ভুত রূপায়ণ দেখা যায় তা বর্ণনায় সবটা পাওয়া যাবে না। বর্ণনার পরিপূরক হয়েছে ছবিগুলো। গল্পের প্রারম্ভে ছাগলের মুখাঙ্কিত রেখাচিত্র ও বংশলোচনবাবুর খালের ধারে লক্ষকর্ণকে নিয়ে বসে থাকার চিত্রটিও অনবদ্য।

দ্বিতীয় মহাযুদ্ধোত্তর কালপর্ব বাংলা ছোটগল্পে বিচিত্র বিভঙ্গ ধরা পড়েছিল। মানুষ ও সমাজ সর্বাত্মক বিকৃতি-অস্থিরতা-প্রাণির মধ্যে জেগে উঠছিল নতুন মানুষ, নতুন বাস্তবতা।

বাংলা ছোটগল্পে এই বক্তৃতাস্বিকতা থেকেই আবির্ভূত হয়েছিলেন পরশুরাম। ফলতঃ রবীন্দ্রপূর্ব গল্পের বৈঠকীধারার সাথে চরিত্রের সামাজিকীকরণের এক অপূর্ব মেলবন্ধন ঘটতে সক্ষম হয়েছিলেন তিনি। এরকম একটি হাসির গল্পেও দেখি প্রত্যেক চরিত্র এমনকি ঘর-আসবাব-পরিস্থিতি চিত্রণে সমকালীন বাস্তবতার বোধ সূক্ষ্মভাবে জারিত করে তাঁকে। ফলে নিতান্ত হাস্যরসের উৎসারণে সমাজের প্রেক্ষিতটি কখনই হারিয়ে যায় না। লক্ষকর্ণের মত ছাগলকে বাড়িতে চিরকালের মত মানিনীদেবী যখন আশ্রয় দেন স্বামীর কল্যাণ্যার্থে তখন ভাঙনের সময়েও বাঙালী পরিবারের চিরন্তন গৃহী মূল্যবোধ (Values) গুলি চারিয়ে ওঠে। এ মূল্যবোধের ভাঙনেই হাসি, কিন্তু রক্ষার কঠিনব্রতও কত বিচিত্র পথে উঠে আসে! পরিবারের কল্যাণকামিতার প্রতীক হয়ে ছাগল লক্ষকর্ণের শিং কেমিক্যাল সোনার বাঁধানো হয়। রাজশেখর বসুর গল্পে পরিপূর্ণতা এইখানে যে, তা মানুষ ও পরিবারের বন্ধনগুলির সম্পূর্ণতাকে তুলে ধরে। অনেক জায়গাতেই আধুনিকতার প্রগল্ভ প্রকাশকে তিনি ব্যঙ্গ করেন। একটা প্রচ্ছন্ন সমর্থন যেন থেকে যায় সনাতন জীবনচর্যার প্রতি। রসের সৃষ্টি সম্পর্কে তাঁর নির্দ্বন্দ্ব মতামত আছে ‘লঘুগুরু’ প্রবন্ধাবলীতে। তিনি বলেন—‘কল্যাণের অন্তরায় না হয়ে, যাঁর সৃষ্টি স্থায়ী হবে, তিনিই শ্রেষ্ঠ স্রষ্টা’। (পৃ ৫৩, ১৩৪৬) এখানে কল্যাণকামিতার পারিবারিক সনাতন ভিত্তিকেই গল্পের সমাপ্তি হিসেবে ব্যবহার করেন তিনি। এই কল্যাণময়তার নির্মাণে তিনি হাস্য ও ব্যঙ্গবসেব পৃথক নন্দন নির্মাণ করেন। ‘লক্ষকর্ণ’ নামের Connotation-এ স্বামী-স্ত্রীব দাম্পত্য সম্পর্কের সেই অনুষ্ঙ্গ ভেসে আসে।